

229

書義斷法

三

總校官降調編修臣倉聖脉

校對官編修臣陳昌齊

謄錄監生臣姜明新

欽定四庫全書

書義斷法卷六

元 陳悅道 撰

周官

唐虞稽古建官惟百內有百揆四岳外有州牧侯伯庶政惟和萬國咸寧

稽古而建官惟百猶古意之存而官職之簡也內外之體統相承則簡而有要而治之不擾者也內之百

揆揔百官四岳揔方岳外之州牧各揔其州之諸侯
侯伯義次州牧而揔諸侯是其制與古不殊而獨得
其要可謂和矣未有庶政之和而萬國之民不安也
後世官愈煩而政愈擾政愈擾而民亦不寧蓋亦未
明稽古之制而亦未得舉要之道耳

夏商官倍亦克用又明王立政不惟其官惟其人

唐虞官百夏商倍之用人之多乃可致治者夏商權
宜之制也有王者明於治體為官擇人不為人擇官

者明王立政之經也用權宜之制則觀其會通以制其繁簡非曰官制之一定而不可易也審立政之經則擇其實才以列于庶位非曰官職之既多而可妄用也任人乃所以立政立政則所以用又三代之所損益於此可見矣

立太師太傅太保茲惟三公論道經邦變理陰陽官不必備惟其人少師少傅少保曰三孤貳公弘化寅亮天地弼予一人

三公之任大矣三孤特其副貳而責任之淺深亦自不同蓋三公坐而論道以經大經變理陰陽以贊化育不有非常之質固難以任非常之責也三孤範圍天地之化輔弼一人之身三孤苟難於得人則亦可以為三公之副也論道大於弘化變理重於寅亮而一人之身若不敢以累三公者則輕重淺深之分而國家所以立公孤之本意也

冢宰掌邦治統百官均四海司徒掌邦教敷五典擾兆

民宗伯掌邦禮治神人和上下

冢宰之職無所不統而典禮尤邦治之大者也故冢
宰雖統率百官以佐王平邦國而地官司司徒佐王擾
兆民春官宗伯佐王和上下即次之亦如舜之命百
揆而於契之敷五教伯夷之作秩宗未嘗不加重也
况周之宗伯實兼禮樂之事而功用之極貫幽冥通
上下其與司徒皆非若夏秋之卿止各任事也以此
二卿繼於冢宰豈非百官之最重而四海之所由均

金定四庫全書
卷六
平者乎

六卿分職各率其屬以倡九牧阜成兆民

天子曰兆民泰和雍熙之治能使之阜厚化成者豈
一手足之為烈哉蓋六卿之職各有率屬官以尊而
統卑也九牧之治各聽信於六卿以內制外也尊卑
有統而內外相維莫不竭力任事承流宣化以休養
生息斯民為已任民之阜成不亦宜乎

凡我有官君子欽乃攸司慎乃出令令出惟行弗惟反

以公滅私民其永懷

一官必有一官之事一事必有一事之令政令之行
否固可以見職事之修廢人心之從違尤足以見本
心之公私世之析人圭詹人爵徃徃慢令而曠官者
皆其天理之公不足以勝人私之私故其令不行而
官為尸位不知心術之隱微理欲之消長已固已如
見其肝肝矣成王之訓官既欲其慎乃令以持守官
之敬尤欲其信於此以驗其秉心之公當時之任職

居官者其必自味於斯言

學古入官議事以制政乃不迷其爾典常作之師

學古而以制者前代之法也典常而不易者周家一代之法也二者皆所當學然入官之初已明古制必能不惑於政理而隨事有以裁制之矣蒞官之時益必守家法凡所以尊崇而師法之者又何可一日忘哉學古者言其已然而其爾者期於必然議事者隨事而次之作師則終身行之此成王所以訓官而有

官君子之所以為學者固如此也

戒爾卿士功崇惟志業廣惟勤惟克果斷乃罔後艱
人能詳其所戒則不憂其難立志之初固已期於功
崇矣事業之不勤功無由而積此有志而不勤者之
所當戒也廣業之勤固可積功矣臨事之不斷則志
與勤亦虛用此臨事之不斷者之所當戒也立志以
止其始勤果以成其終卿士所掌之職事必先難後
易而無有不就調理者寧有後艱之足慮哉

位不期驕祿不期侈恭儉惟德無載爾偽作德心逸日
休作偽心勞日拙

位祿不驕侈於外必有恭儉之實有諸中恭儉之實
有於中則其休拙自日異於外盖有位祿則驕侈自
至不期然而然者矣德偽異則休拙自殊亦不期然
而然者也是以君子知恭儉之不可偽為尊其天爵
而不循於人爵則自然心逸日休之樂而無心勞日
拙之苦又豈有於驕奢侈之失哉

推賢讓能庶官乃和不和政龐舉能其官惟爾之能稱
匪其人惟爾不任

賢有德者能有才者朝廷之上所以相推讓者惟此
所以相稱舉者亦惟此推讓在稱舉之先稱舉在推
讓之後其相推讓者濟濟相遜可以見氣象之和而
政不龐雜其相稱舉也惟賢知賢可以表才能之實
而用必得人蓋因舉人之才能而知舉人者之才能
王者之知人善任使蓋如此

王曰嗚呼三事暨大夫敬爾有官亂爾有政以佑乃辟
永康兆民萬邦惟無斁

官無尊卑必以敬為主治民者無遠邇可久安長治
萬邦之廣有兆民焉民生之永康而民心之永懷是
豈可以聲音笑貌治之哉官者治民之官政者治民
之政而諸臣之所以輔佐其君者亦惟在於安民蓋
舉其詳皆職分內事舉其要則敬之一字而已成王
訓官之終篇嘆息而言歷舉其職而一本於敬言有

盡而意無窮也

君陳

惟爾令德孝恭惟孝友于兄弟克施有政命汝尹茲東郊敬哉

孝於親而恭上此言君陳令德之綱也也孝友於家而政施於國此言君德令德之目也齊家而孝於親施政而恭於上至于兄弟以御于家邦東郊之政舉而措之耳然成王之命君陳始稱其德而終勉以敬

蓋敬之一字又貫徹孝恭之德而通乎家國之間所謂能敬必有德不可恃其德之能施於政而不思夫政之必主於敬也此成王臨泣君陳尹茲東郊之誥命故其言之拳拳如此

昔周公師保萬民民懷其德往慎乃司茲率厥常懋昭周公之訓惟民其人

周公之留洛必殷也有師之道所以教之有保之恩所以養之民之懷德深矣君陳繼之必謹守其所司